


18  
988  
16





門八和18  
號  
卷



采菽堂古詩選補遺卷之三目次

梁

郊廟歌辭

明堂登歌一首

宗廟登歌七首

燕射歌辭

三朝雅樂歌

俊雅三曲

需雅八曲

武帝

邊戍

簡文帝

詩選

卷之三目

龍丘引 賦得當爐

半路溪 擬沈隱侯夜夜曲

應令詩 登城

和湘東王名士悅傾城 冬曉

納涼 同庾肩吾四詠二首

賦樂名得箜篌 賦得入塔雨

愁閨照鏡 梁塵

遊人

元帝

隴頭水 折楊柳

登顏園故閣 別荊州吏民

詠陽雲樓簷柳 和彈箏人

望春詩 綠柳

詠梅 古意詠燭

別詩二首 幽逼詩二首

宣帝

建除詩

武陵王紀

和湘東王夜夢應令

沈約

豫章行

夜夜曲二首

餞謝文學離夜

江淹

銅爵妓

柳惲

雜詩

庾肩吾

亂後經夏禹廟

詠美人

和徐主簿望月

詠風

吳均

與柳惲相贈答

登壽陽八公山

入蘭臺贈王治書僧孺

何遜

登石頭城

仰贈從兄興寧寘南

王筠

東南射山

詠燈檠

東陽還經嚴陵瀨贈蕭大夫

劉孝綽

侍宴餞張惠紹應詔

奉和昭明太子鍾山解講

太子泐落日望水 還渡浙江

望月有所思

劉孝威

公無渡河

塘上行苦辛篇

怨詩

小臨海

結客少年場行

半渡溪

箜篌謠

烏生八九子

劉孝先

草堂寺尋無名法師

和亾名法師秋夜草堂寺禪房月下

劉綏

敬酬劉長史詠名士悅傾城

看美人摘薔薇

裴子野

詠雪

江洪

詠美人治妝

沈君攸

薄暮動弦歌

桂楫泛河中

庾成師

遠期篇

清商曲辭

雅樂歌五首

陳

徐陵

走筆戲書應命

春情

奉和山池

周弘讓

賦得長笛吐清氣

張正見

度關山

秋日別庾正員

江總

芳樹

七夕

奉和東宮經故妃舊殿

傅縡

採桑

陳昭

昭君詞

聘齊經孟嘗君墓

祖孫登

宮殿名登高臺詩

賀徹

採桑

孔範

賦得白雲抱幽石

蘇子卿

梅花落

南征

陽縉

俠客控絕影

殷謀

日出東南隅行

北魏

溫子昇

結襪子

北齊

盧士深妻崔氏

饋面辭

北周

趙王招

從軍行



無名法師

過徐君墓

隋

煬帝

鳳帽歌

劉臻

河邊枯樹

薛道衡

出塞

孫萬壽

庭前枯樹

庾抱

和樂記室憶江水

李密

淮陽感秋

李巨仁

釣竿篇

丁六娘

十索四首

采菽堂古詩選補遺

卷之三

虎林陳祚明亂倩父評選

梁

郊廟歌辭

明堂登歌一首

黃帝

沈約

鬱彼中壇含靈闢化迴環氣象輪無輟駕布德焉在  
四序將收音宮數五飯稷驂駟宅屏居中旁臨外宇  
升為帝尊降為神主

宗廟登歌七首

功高禮洽德尊樂備三獻具舉百司在位誠敬罔訾  
幽明同致茫茫億兆無思不遂蓋之如天容之如地

其二

殷兆玉筐周始邠王於赫文祖基我大梁肇土七十  
奄有四方帝軒百祀人思未忘永言聖烈祚我無疆

其三

有夏多罪殷人塗炭四海倒懸十室思亂自天命我  
殲凶殄難既躍乃飛言登天漢爰享爰格福祿攸贊

其四

犧象既飾罍俎斯具我鬱載馨黃流乃注峩峩卿士

駿奔是務佩上鳴堦纓還拂樹悠悠億兆天臨日煦

其五

猗與至德光被黔首鑄銘蒼昊甄陶區有恪一作肅恭

三獻對揚萬壽比屋可封舍生無咎匪徒七白天長

地久

其六

有命自天於皇后帝悠悠四海莫不來祭繁祉具膺  
八神聳衛福至有兆慶來無際播此餘休于彼荒裔

其七

祀典昭潔我禮莫違八簋充室六龍解駢神宮肅肅

靈寢微微嘉薦既饗景福攸歸至德光被洪祚載輝

登歌七首  
並安雅

燕射歌辭

三朝雅樂歌

俊雅三曲

沈約

隋書樂志曰衆官出入宋元徽三年儀注  
奏肅成樂齊及梁初亦同至是改爲俊雅  
取禮記司徒論選士之序者而升之學  
曰俊士也二郊太廟明堂三朝同用焉

設官分職髦俊攸俟髦俊伊何貴德尚齒唐又咸事  
周寧多士區區衛國猶賴君子漢之得人帝猷乃理

其二

開我八襲關我九重珩珮流響纓紱有容袞衣前邁  
列辟雲從義兼東序事美西雍分階等肅異列齊恭

其三

重列北上分庭異陞百司揚職九賓相禮齊宋舅甥  
魯衛兄弟思皇藹藹羣龍濟濟我有佳賓實惟愷悌

需雅八曲

蕭子雲

農用八政食爲元播時百穀民所天禘嘗郊社盡潔  
虔讌饗饋食禮節宣九功惟序登頌絃

其二

感物而動物靡遂大羹不和有遺味非極口腹而行

補遺  
氣節之民心殺攸貴寧爲禮本養與餼

其三

始諸飲食物之初設卦觀象用以需烝民乃粒有牲  
芻自衛反魯刪詩書弋不射宿殺已祛

其四

在昔哲王觀民志庶饑百品因時備爲善不同同歸  
治蔬膳菲食化始至率物以躬行尊位

其五

雅有洞酌風采蘋蕓藻之菜非八珍澗溪沼沚貴先  
民明信之德感人神譬諸禴祭在西鄰

其六

行葦之微猶勿踐寧惟血氣無身剪聖人之心微而  
顯千里之應出言善况遂豚魚革前典

其七

春酸夏苦冬有宜筐筥錡釜備糗馳逡巡揖讓詔司  
儀卑高制節明等差君臣之序正在斯

其八

日月光華風四塞規饗有序儀不忒匪天私梁乃佑  
德光被四表自南北長世綴旒爲下國

當是武帝以  
變爲犧牲時

也語故切  
句亦健

武帝

邊戍

秋月出中天遠近無偏異共照一光輝各懷離別思

簡文帝

龍丘引

龍丘一回首楚路蒼無極水照弄珠影雲吐陽臺色  
浦狹村煙度洲長歸鳥息遊蕩逐春心空憐無羽翼

後四句  
有意態

賦得當壚

樂府作  
當壚曲

十五正團團流光滿上蘭當壚設夜酒宿客解金鞍

迎來挾琴易送別唱歌難欲知心恨急翻令衣帶寬

稍見  
作意

半路溪

相逢半路溪隔溪猶不渡望望判知是翩翩識行步

摘贈蘭澤芳欲表同心句先將動舊情恐君疑妾如

間闕之感緣君有他心也意却蘊於言外先將  
動舊情恐君疑妾如乍相見時情事定若此

擬沈隱侯夜夜曲

靄靄夜中霜河開向曉光枕啼常帶粉身眠不著牀  
蘭膏盡更益薰鑪滅復香但問愁多少便知夜短長

意况  
曲盡

應令詩

微軀多幸接萼嘉運紫幄承慈青衿稟訓傍玉流溫  
依蘭染薰百氏既洽六義乃摛辭河瀉潤高論忘疲  
翠幙晨宇朱花夜池牕斜八綺燈懸百枝

起得體後四語流麗

登城

日影半東簷靖念空杼柚小堂倦縹書華池厭脩竹  
寂寞既寡棕登城望原陸遙山半吐雲巖颺時響谷  
靡靡見虛煙森森視寒木落霞乍續斷晚浪時迴復  
遠矚既濡翰徒自勞心目短歌雖可裁綠情非霧縠  
此規摹三謝之作結構極整○陸機文賦詩緣情而綺靡非霧縠謙言未工此韻稍奏

和湘東王名士悅傾城

美人稱絕世麗色譬花叢雖居李城北住在宋家東  
教歌公主第學舞漢成宮多游淇水上好在鳳樓中  
履高疑上砌裾開特畏風衫輕見跳脫珠槩雜青蟲  
垂絲遠帷幔落日度房櫳妝牕柳隔色井水照桃紅  
非憐江浦珮羞使春闈空

李城用李延年一顧傾城○珠槩槩滿也○後六句

納涼

斜日晚駸駸池塘生半陰避暑高梧側輕風時入襟  
落花還就影驚蟬乍失林遊魚吹水沫神蔡上荷心

翠竹垂秋采丹棗映疎砧無勞夜遊曲寄此託微吟

落花還就影句縹蕭不忍割通首亦清穩

冬曉和湘東王三韻二首之一

冬朝日照梁含怨下前牀惟寒竹葉帶鏡轉菱花光

會是無人見何用早紅妝轉字光字活結句情悠然

同庾肩吾四詠二首

蓮舟買荷度

採蓮前岸隈舟子屢徘徊荷披衣可識風疎香不來

欲知船度處當看荷葉開俱其淺淺者微有姿末二語更生動

照流看落釵

相隨照綠水意是重涼風流搖妝影壞釵落鬢花空

佳期在何許徒傷心不同三句生甚然頗警

賦樂名得筌篋

捩遲初挑吹弄急時催舞劍響逐絃鳴衫回半障柱

欲知心不平君看黛眉聚妖麗不恒

賦得入階雨

細雨階前入灑砌復沾帷漬花枝覺重濕鳥羽飛遲

儻令斜日照併欲似遊絲願欲似柳者卿詩餘字字作媚

愁閨照鏡

別來顛顛久他人怪容色只有匣中鏡還持自相識



真素

梁塵

依帷蒙重翠帶日聚輕紅定為歌聲起非關團扇風

遊人

遊戲長楊苑攜手雲臺間歡樂未窮已白日下西山

元帝

隴頭水

銜悲別隴頭關路漫悠悠故鄉迷遠近征人分去留

沙飛曉成幕海氣旦如樓欲識秦川處隴水向東流

折楊柳

巫山巫峽長垂柳復垂楊同心且同折故人懷故鄉

山似蓮花豔流如明月光寒夜猿聲徹遊子淚霑裳

前四句迴環故是新體

登顏闕故閣

高樓三五夜流影入丹墀先時留上客夫婿美容姿  
妝成理蟬鬢笑罷斂蛾眉衣香知步近釧動覺行遲  
如何舞館樂翻見歌梁悲猶懸北窓幌未捲南軒帷

寂寂空郊暮非復少年時

迢通○衣香  
二句生動

別荊州吏民

玉節居分陝金貂總上流  
麾軍時舉扇作賦且登樓  
年光徧原隰春色滿汀洲  
日華三翼舸風轉七星旂  
向解青絲纜將移丹桂舟

華稱

詠陽雲樓簷柳

楊柳非花樹依樓自覺春  
枝邊通粉色葉裏映紅巾  
帶日交簾影因吹掃席塵  
拂簷應有意偏宜桃李人

帶日交簾  
影語生動

和彈箏人

橫箏在故帷忽憶上絃時  
舊柱未移處銀帶手經持

悔道啼將別教成今日悲

末二句聲脆作唐律於  
此等句法入能藥俗響

望春詩

葉濃知柳密花盡覺梅疎  
蘭生未可握蒲小不堪書

綠柳

長條垂拂地輕花上逐風  
露霑疑染綠葉小未郭空

作致之  
淺者

詠梅

梅舍今春樹還臨先日池  
人懷前歲憶花發故年枝

古意詠燭

花中燭燄燄動簾風不見來人影迴光持向空

別詩二首

別罷花枝不共攀別後書信不相關欲覓行人寄消息  
息依常潮水暝應還

其二

三月桃花合面脂五月新油好煎澤莫復臨時不寄  
人謾道江中無估客

瑣瑣自  
有致

幽逼詩二首

帝避建業而都江陵外迫強敵內  
失人和魏師至方徵兵四方未至  
而城見尅在幽逼求酒飲之  
製詩四絕後為梁王詒所害

南風且絕唱西陵最可悲今日還蒿里終非封禪時

其二

夜長無歲月安知秋與春原陵五樹杏空得動耕人

宣帝

諱晉字理孫昭明太子第三子幼好學善屬  
文尤長佛義普通中封岳陽王後除雍州刺  
史侯景作亂晉及其兄河東王詒構隙於元帝  
帝攻殺詒晉遂臣於西魏求援時周文帝為相  
遣兵平江陵命晉主梁嗣資以江陵之  
地晉稱帝於其國年號大定在位八年

建除詩

建國惟神業十世本靈長除苛逾漢祖後后類殷湯  
滿盈既虧度否運理還康平階今復覩德星行見祥  
定寇資雄畧靜亂屬賢良執訊窮郢魯弔伐徧徐揚  
破敵勳庸盛佩紫且懷黃危苗既已竄妖沴亦云亾

成功勒雲社治定理要荒收戟歸農器牧馬恣芻場  
開山接梯路架海擬山梁閉慾同彭老延壽等東皇

序事條述之作  
使十二字自然

武陵王紀

字世詢一字大智武帝第八子天監中封武陵郡王揚州刺史復除益州刺史

侯景亂紀不赴援僭號於蜀改元天正明年眾潰為元帝將樊猛所殺

和湘東王夜夢應令

昨夜夢君歸賤妾下鳴機懸知意氣薄不著去時衣

故言如夢裏賴得雁書飛

思致婉細如兒女子喁喁語也

沈約

豫章行

燕陵平而遠易河清且駛一見塵波阻臨途引征思  
雙劍愛匣同孤鸞悲影異宴言誠易纂清歌信難嗣  
臥聞夕鐘急坐閱朝光亟往歡墜壯心來戚滿衰志  
徂芳無再覆淪灰定還熾夏臺尚可忘榮辱亦奚事  
愧微曠士節徒感鄙生餌勞哉納辰和地遠託聲寄

序情  
婉詣

夜夜曲二首

河漢縱且橫北斗橫復直星漢空如此寧知心有憶  
孤燈暖不明寒機曉猶織零淚向誰道雞鳴徒歎息

其二

北斗闌干去夜夜心獨傷月輝橫射枕燈光半隱牀

體味夜夜二字有作意

餞謝文學離夜

漢池水如帶巫山雲似蓋  
滯泪背吳潮潺湲橫楚瀨  
一望沮漳水寧思江海會  
以我徑寸心從君千里外

三四虛字生動結入情

江淹

銅爵妓

武皇去金閣英威長寂寞  
雄劍頓無光雜佩亦銷鑠  
秋至明月圓風傷白露落  
清夜何湛湛孤燭映蘭幕

撫影愴無從惟懷憂不薄  
瑤色行應罷紅芳幾為樂

徒登歌舞臺終成螻蟻郭 古健

柳惲

雜詩

雲輕暮色轉草綠晨芳歸  
山墟罷寒晦園澤潤朝暉  
春心多感動睹物情復悲  
自君之去矣蘭臺罷鳴機  
徒知遊宦是不念別離非 結二句入情

庾肩吾

亂後經夏禹廟

金簡泥初發龍門鑿始通  
配天不失舊為魚微此功

補遺

林堂上偃蹇山殿下穹窿侵雲似天闕照水類河宮  
神來導赤豹仙女擁飛鴻松龕撤暮俎棗逕落寒叢  
仙舟還入鏡玉軸更乘空去國嗟行邁離居泣轉蓬  
月起吾一作吳山北星臨天漢中申胥猶有志荀息本  
懷忠待見攬槍滅歸來松柏桐未見能工間有作意

詠美人

絳樹及西施俱是好容儀非關能結束本自細腰肢  
鏡前難並照相將映淥池看妝畏水動斂袖避風吹  
轉手齊裾亂橫簪歷髻垂曲中人未取誰堪白日移  
不分他相識唯聽使君知妖倩

和徐主簿望月

樓上徘徊月牕中愁思人照雪光偏冷臨花色轉春  
星流時入暈桂長欲侵輪願以重光曲承君歌扇塵  
星流柱長刻意之句

詠風

宋地鴟飛初湘川燕起餘掃一作拂壇聊動竹吹薤欲  
成書蒼梧洞猶在一作蒼崦合浦樹應疎陽鳥一轉  
翅千里定非虛吹薤成書句雋

吳均

與柳惲相贈答

詩選 卷之三

離居苦無樂回慕心悽悽要途訪趙使聞君仕執珪  
杜蘅色已發菖蒲葉未齊幕屋蠶餌繭差池燕吐泥  
願逐東風去飄蕩至遼西

情從景生羣屋差池字活

登壽陽八公山

遠澗自傾曲石激復粼粼合珠岸恒翠懷玉浪多圓  
疎峯時吐月密樹不開天瑤繩盡玄祕金檢上奇篇  
是有琴高者陵波去水仙

詠地境清此

入蘭臺贈王治書僧孺

故人楊子雲校書麟閣下寂寞少交遊紛綸富文雅  
予為隴西使寓居洛陽社相思非不深行行避驄馬

仄韻押字自然結更有致

何遜

登石頭城

關城乃形勢地險差非一馬嶺逐紆回犬牙傍隆宰  
百雉極襟帶億庾兼量出至理歸無為善守竟何恤  
眺聽窮耳目遠近備幽悉擾擾見行人暉暉視落日  
連檣入迴浦飛蓋交長術天暮遠山青潮去遙沙出  
薄宦慙師表屬辭慙愈疾願乘殼棘牛還隱蒙籠室

閒閒自寫情境畢盡

仰贈從兄興寧寘南

家世傳儒雅貞白仰餘徽宗派已孤狹財產又貧微  
棲息同蝸舍出入共荆扉松筆時臨沼蒲簡得垂帷  
幸逢四海泰日月耀增輝相顧無羽翮何由總奮飛  
一朝異言宴萬里就睽違遠江飄素沫高山鬱翠微  
相思對森森相望隔巍巍死灰終不然長岑且未歸  
當憐此分袂脉脉淚沾衣其情頗真

王筠

東南射山

阮籍詠懷詩曰東南有射山汾水出其陽言神仙之事

還丹改客質握髓駐流年口含千里霧掌流五色煙  
瓊漿汎金鼎嵒池溉玉田倏忽整龍駕相遇鳳臺前

上合二句有致

詠燈檠

百華曜九枝鳴鶴映冰池朱光本內照丹花復外垂  
流暉悅嘉客翻影泣生離自銷良不悔明白願君知  
結句寄意淺淺有情

東陽還經嚴陵瀨贈蕭大夫

子陵狗高尚超然獨長往釣石宛如新故態依可想  
結句有致

劉孝綽

侍宴餞張惠紹應詔



滄池誠自廣蓬山一何峻麗景花上鮮油雲葉裏潤  
風度餘芳滿鳥集新條振餞言班俊造光私獎輶  
徒然謬反隅何以窺重仞

麗景二句鮮振字生動反隅重仞對工儁

奉和昭明太子鍾山解講

御鶴翔伊水策馬出王田我后遊祇鷺比事實光前  
翠蓋承朝景朱旗曳曉煙樓帳縈巖谷緹組曜林阡  
况在登臨地復及秋風年喬柯變夏葉幽澗潔涼泉  
停鑿對寶座辯論悅人天淹塵資海滴昭暗仰燈然  
法朋一已散笳劍儼將旋邂逅逢優渥託乘侶才賢  
摘辭雖並命遺恨獨終篇

章法條流

太子汛落日望水

川平落日迴落照滿川漲復此淪波地派別引沮漳  
耿耿流長脉熠熠動微光寒鳥逐查漾饑鶻拂浪翔  
臨泛自多美况乃還故鄉榜人夜理檝權女鬧成妝  
欲待春江曙爭塗向洛陽

後六句流動

還渡浙江

季秋弦望後輕寒朝夕殊商人泣紈扇客子夢羅襦  
憂來自難遣况復阻川隅日暮愁陰合繞樹噪寒鳥  
濛漠江煙上蒼茫沙嶼蕪解纜辭東越接軸驚西徂  
懸帆似馳驥飛棹若驚鳧言歸遊俠窟方從冠蓋衢

景中有情

望月有所思

秋月始纖纖微光垂步簷  
腫臃入牀簟髣髴鑿牕簾  
簾螢隱光息簾蟲映光纖  
玉羊東北上金虎西南昃  
長門隔清夜高堂夢容色  
如何當此時懷清滿曾臆

輕盈之調綴以華瞻不掩其姿

劉孝威

公無渡河

請公無渡河河廣風威厲  
檣偃落金烏舟傾沒犀柹  
紺蓋空嚴祠白馬徒生祭  
銜石傷寡心崩城掩繡袂

劍飛猶共水魂沈理俱逝  
君為川后臣妾作江妃娣

典實奔奏

塘上行苦辛篇

蒲生伊何陳曲中多苦辛  
黃金坐銷鑠白玉逐緇磷  
裂衣工毀嫡掩袖切讒新  
嫌成跡易已愛去理難申  
秦雲猶變色魯日尚迴輪  
妾歌已腸斷君心終未親

練意頗有古風

怨詩

退寵辭金屋見譴斥甘泉  
枕席秋風起房櫳明月懸  
燭避窓中影香迴爐上煙  
丹庭斜草徑素壁點苔錢

歌起蒲生曲樂奏下山絃新聲昔廣宴餘杯今自傳  
 王嬌向絕漠宋女入祁連鴈書猶未返角馬無歸年  
 昭臺有媵御曾坂無棄捐後薪隨復積前魚誰更憐  
孝威樂府殊能奏泊如意  
 雖無警句而通首不弱

小臨海

碣石望山海雷連降尊極秦帝枉鈎陳漢家增禮秩  
 石橋終不成桑田竟難測蜃氣遠生樓鮫人近潛織  
 空勞帝女填詎動波神色  
蒲此篇以存  
 樂府一題

結客少年場行

少年本六郡遨遊遍五都插腰銅七首障日錦屠蘇

鷲羽裝銀鏑犀膠飾象弧近發連雙兔高彎落九鳥  
 邊城多警急節使滿郊衢居延箭箠盡疎勒井泉枯  
 正蒙都護接何由憚險途千金募惡少一揮擒骨都  
 勇餘聊蹴鞠戰罷暫投壺昔為北方將今為南面孤  
 邦君行負弩縣令且前驅

半渡溪

本厠偏伍伴一戰殄凶渠制賜文犀節驛報紫泥書  
 入營陳御蓋還家乘紫車皇恩知己重丹心恨不紆  
 渡瀘且不畏凌溪嗟有餘

箜篌謠

樂府失名次  
 劉孝威後

結交在相得骨肉何必親甘言無忠實世薄多蘇秦  
從風暫靡草富貴上昇天不見山巔樹摧圻下為薪  
豈甘井中泥上出作埃塵一云時至出作塵○此首健異不類孝威

烏生八九子

城上烏一年生九雛枝輕巢本狹風多葉早枯毳毛  
不自暖張翼強相呼金柝嚴兮翠樓肅蜃壁光兮椒  
泥馥虞機衡網不得施猜鷹鷲隼無由逐永願共棲  
曾氏冠同瑞周王屋莫啼城上寒猶賢野中宿羽成  
翻備各西東丁年賦命有窮通不見高飛帝輦側遠  
託日輪中尚逢王吉箭籥嬰后羿弓豈如變彩救燕

質

音至入夢祚昭一作周公流聲表師退集幕示營空靈

臺已鑄像流蘇時候風別自一體典故悉備

劉孝先

草堂寺尋無名法師

飛鏡點青天橫照滿樓前深林生夜冷復閣上宵煙  
葉動花中露湍鳴閣裏泉竹風聲若雨山蟲聽似蟬  
摘果仍荷藉酌水用花傳一卮聊自飲萬事且蕭然

葉動四句景故蕭然

和叅名法師秋夜草堂寺禪房月下

幽人住山北月上照山東洞戶臨松徑虛窓隱竹叢

出林避炎影步逕逐涼風平雲斷高岫長河隔淨空  
數螢流暗草一鳥宿疎桐興逸煙霄上神閉宇宙中  
還思城闕下何異處樊籠

劉綏

敬酬劉長史詠名士悅傾城

不信巫山女不信洛川神何關別有物還是傾城人  
經共陳主戲曾與宋家鄰未嫁先名玉來時本姓秦  
粉光猶似面朱色不勝脣遙見疑花發聞香知異春  
釵長逐鬢髮小稱腰身夜夜言嬌盡日日態還新  
工傾荀奉倩能迷石季倫上客徒留目不見正橫陳

史記曰或云有物言非關鬼物  
自是人能爾也遍首妖豔之極

看美人摘薔薇

新花臨曲池佳麗復相隨鮮紅同映水輕香共逐吹  
繞架尋多處窺叢見好枝矜新猶恨少將故復嫌萎  
釵邊爛熳插無處不相宜

甚切薔薇故佳花開不同  
時甫新易萎由來作詠者  
多用  
此意

裴子野

字幾原河東聞喜人武帝以為著作郎  
累遷中書侍郎鴻臚卿領步兵校尉

詠雪

飄飄千里雪倏忽度龍沙從雲合且散因風卷復斜  
拂草如連蝶落樹似飛花若贈離居者折以代瑤華

古詩選

卷之三

下

江洪

詠美人治妝

上車畏不妍顧盼更斜轉大恨畫眉長猶言顏色淺

沈君攸

薄暮動弦歌

柳谷向夕沈餘日蕙樓臨砌徙斜光金戶半入藜林  
影蘭徑時移落藥香絲繩玉壺傳綺席秦箏趙瑟響  
高堂舞裙拂履喧珠珮歌響出扇繞塵梁雲邊雪飛  
弦柱促留賓但須羅袖長日暮歌鍾恒不倦處處行  
樂為時康起四句寫薄暮字生動

桂楫泛河中

黃河曲注通千里濁水分流引八川仙查逐源終未  
極蘇亭一作漢帝遺跡上難遷眇眇雲根侵遠樹蒼蒼水  
氣合遙天波影雜霞無定色湍文觸岸不成圓赤馬  
青龍一作驪交出浦飛雲蓋海遠凌煙蓮舟渡沙轉不  
礙桂楫距浪弱難前風急金鳥翅自轉汀長錦纜影  
微懸榜人欲歌先扣柂津吏猶醉強持船河隄極望  
今如此行杯落葉詎虛傳曼聲故是四傑所宗

庾成師

遠期篇

憶別春花飛已見秋葉稀  
淚粉羞明鏡愁帶減寬衣  
得書言未反夢見道應歸  
坐使紅顏歇獨掩青樓扉

得書二語入情

清商曲辭

雅樂歌五首

無名氏

應王受圖曲

應王受圖荷天革命樂  
曰功成禮云治定恩弘庇  
臣念昭率性迺眷三才以  
宣八政愧無則哲臨淵自  
鏡或戒面從永隆福慶

臣道曲

孝義相化禮讓為風  
當官無媚嗣民必公謙  
謙君子蹇蹇匪躬諒而不  
許和而不同誠之誠之去  
驕思冲弘茲大雅是曰至  
忠

積惡篇

積惡在人猶醜處腹醜  
成形凶惡積身覆殷辛再  
離溫舒五族責必及嗣財  
豈潤屋斯川既往逝命不  
復鏡茲餘殃幸修多福

積善篇

惟德是輔皇天無親抱  
獄歸舜捨財去邠豚魚懷  
信行葦畱仁先世有作餘  
慶方因鳴玉承家錫珪于  
民

補遺  
連城非重積善為珍

宴酒篇

記稱成禮詩詠飽德卜晝有典厭夜不忒彝酒作民  
樂飲虧則腐腹遺喪濡首亾國哲彼六馬去茲三惑  
占言孔昭以求溫克鑿戒詩詩其辭切直

陳

徐陵

走筆戲書應命

此日乍殷勤相嫌不如春今宵花燭淚非是夜迎人  
舞席秋來卷歌筵無數塵曾經新代故那惡故迎新

片月窺花簾輕寒入錦中秋來應瘦盡偏自著腰身

長門長信之情語極輕倩

春情

風光今日動雪色故年殘薄夜迎新節當鑪却晚寒

奇一作故香分細霧一作篆石炭擣輕紈竹葉裁衣帶梅

花奠酒盤年芳袖裏出春色黛中安欲知迷下蔡先

將過上蘭秀句迴出

奉和山池梁簡文布山池詩

羅浮無定所鬱島屢遷移不覺因風雨何時入後池  
樓臺非一勢臨甃自多奇雲生對戶石叢挂入欄枝



起意縹緲未二句致  
在對戶入欄四字

周弘讓

賦得長笛吐清氣

魏文帝善哉行日悲絃  
激新聲長笛吐清風

商聲傳後出龍吟鬱前吐情斷山陽舍氣咽平陽塢  
胡騎爭北歸偏知別鄉苦羈旅情易傷零淚如交雨

自然  
淒楚

張正見

度關山

關山度曉月劍客遠從征雲中出迴陣天外落奇兵  
輪摧偃去節樹倒礙懸旌沙揚折坂暗雲積榆溪明

馬倦時銜草人疲屢看城寒隴胡笳澁空林漢鼓鳴  
還聽嗚咽水併切斷腸聲

亦能曲  
寫體題

秋日別庾正員

英華作  
徐陵

征途愁轉旆連騎慘停鑣朔氣凌疎木江風送上潮  
青雀離帆遠朱鳶別路遙唯有當秋月夜夜上河橋

高亮  
之調

江總

芳樹

朝霞映日殊未妍珊瑚照水定非鮮千葉芙蓉詎相  
似百枝燈花復羞然暫欲寄根對滄海大願移華側

綺錢井上桃蟲誰可雜庭中桂蠹豈見憐

輕颺有致

七夕

六朝聲偶作柳顛言者非

漢曲天榆冷河邊月桂秋婉孌期今夕飄颻渡淺流

輪隨列宿動

一作轉

路逐彩雲浮橫波翻瀉淚束素反

緘愁此時機杼息獨向紅妝羞

橫波束素二句雋○攝官梁小廟有平生

復能幾語事必傷悲句殊淒愴

奉和東宮經故妃舊殿

故殿看看冷空階步步悲猶憶窺牕處還如解佩時

苔生無意早燕入有言遲苦令歸就月照見不須疑

結有致

傅緯

採桑

羅敷試採桑出入城南傍綺裙映珠珥絲繩提玉筐

度身攀葉聚聳腕及枝長空勞使君問自有侍中郎

度身聳腕語並生動

陳昭

義興國山人慶之之子慶之在梁以軍功封永興侯卒昭嗣位

昭君詞

陰鏗集亦載此詩今從樂府作陳昭藝文又作陳明疑卽昭也

跨鞍今永訣垂淚別親賓漢地隨行盡胡關逐望新

交河擁塞霧隴日暗沙塵唯有孤明月猶能遠送人

亮而悲漢地二句亦宛合

聘齊經孟嘗君墓

薛城觀舊跡征馬屢徘徊盛德今何在惟餘長夜臺  
蒼茫空壟路顛顛古松栽悲隨白楊起淚想雍門來  
泉戶無關吏雞鳴誰為開點染孟嘗故實作致佳

祖孫登

宮殿名登高臺詩

獨有相思意聊敞鳳皇臺蓮披香稍上月明光正來  
離鵠一作鶴將雲散飛花似雪迴遙思竹林友前牕夜  
夜開披香明光綴入有致○詠風有帶葉俱吟樹將花共舞空句佳

賀徹仕陳為左戶郎

採桑

蠶妾出房櫳結伴類花叢度水春衫綠映日晚妝紅  
釧聲時動樹衣香自入風鈎長嫩枝曲葉盡細條空  
競採須盈手爭歸欲滿籠自憐公府步誰與少年同

細寫有姿

孔範

字法言會稽山陰人後主以為都官尚書與江總等並為狎客因與孔貴人結為兄妹寵遇優渥陳亡入隋隋文帝暴其過惡與王瑳王儀沈瓚名為四罪流之遠裔

賦得白雲抱幽石

白雲浮遠蓋飄飄繞石飛帶蓮縈錦色拂鏡下仙衣  
陣結香爐隱羅成玉女微能感荆王夢陽臺雜雨歸

二物題  
合頗細

蘇子卿

梅花落

中庭一樹梅寒多葉未開  
祇言花是雪不悟有香來  
上郡春恒晚高樓年易催  
織書偏有意教逐錦文回

三四空靈  
結句尖儻

南征

一朝遊桂水萬里別長安  
故鄉夢中近邊愁酒上寬  
劍鋒但須利戎衣不畏單  
南中地氣暖少婦莫愁寒

陽縉

俠客控絕影

陸士衡擬古詩曰俠客  
控絕景都人驂玉軒

青門小苑物華新  
花開鳥弄會芳春  
仙掌層臺浮麗日  
長楸廣路起紅塵  
園中追尋桃李徑  
陌上逢迎遊俠人  
遊俠英名馳上國  
人馬意氣俱相得  
白玉鹿盧秋水劍  
青絲宛轉黃金勒  
復有魚目並龍文  
躡影追風本絕羣  
影入吳門疑曳練  
形來西北似浮雲  
寄語幽并馳射客  
未肯推門一作持借君

頗工章法詠題  
處無幾語耳

殷謀

日出東南隅行

秦樓出佳麗正值朝日光  
陌頭能駐馬花處復添香

佳未句

北魏

溫子昇

結襪子

誰能訪故劍會自逐前魚裁統終委篋織素空有餘

北齊

盧士深妻崔氏

噴面辭

虞世南史畧曰北齊盧士深妻崔林義之女有才學春日以桃花噴兒面咒曰

取紅花取白雪與兒洗面作光悅取白雪取紅花與

兒洗面作妍華取花紅取雪白與兒洗面作光澤取

雪白取花紅與兒洗面作華容

故是韻事

北周

趙王招

字豆盧突文帝第七子幼聰穎博涉羣書好屬文學庾信體武成初封趙國公歷大

司馬進爵為王隋文將遷周鼎招欲圖之會謀泄隋文陷以謀反見害國除

從軍行

遼東烽火照甘泉薊北亭障接燕然水凍菖蒲未生

節關寒榆筴不成錢

無名法師

過徐君墓

延陵上國返枉道訪徐公死生命忽異權娛意不同

始往邙山北聊踐平陵東徒解千金劍終恨九泉空  
日盡荒郊外煙生松柏中何言愁寂寞日暮白楊風

隋

煬帝

鳳船歌

廣五行志曰隋煬帝三月三日江上作鳳船歌乃唐興之兆

三月三日向江頭正見鯉魚波上游意欲垂鈎往撩  
取恐是蛟龍還復休

劉臻

字宣華沛國相人父顯梁尋陽太守臻舉秀才為邵陵王東閣祭酒元帝時遷中書舍人後仕周為露門學士大都督隋高祖受禪進位儀同三司皇太子勇引為學士

河邊枯樹

奇樹臨芳渚半死若龍門疾風摧勁葉沙岸毀盤根  
將軍猶未坐匠石不曾論無復凌雲勢空餘激浪痕  
可嗟摧折盡詎得上河源

薛道衡

出塞

高秋白露團上將出長安塵沙塞下暗風月隴頭寒  
轉蓬隨馬足飛霜落劍端凝雲迷代郡流水凍桑乾  
烽微桔槔遠橋峻轆轤難從軍多惡少召募盡材官  
伏堤時臥鼓疑兵乍解鞍柳一作龍城擒冒頓長坂納  
呼韓受降今更築燕然已重刊還嗤傅介子辛苦刺

樓蘭

孫萬壽

庭前枯樹

當時金谷裏昔日平陵東  
布葉俱承露開花共待風  
搖落一如此容華遂不同  
庭前生意盡井上蠹心空

匠者無勞顧擁腫難為功

殊有奇託

庾抱

佐隋為元德太子學士唐高祖起兵太子封龍西公以抱為記室文檄皆出其手俄為東

官學士正觀初徙趙王友

和樂記室憶江水

遙想觀濤處猶意採蓮歌  
無因關塞葉共下洞庭波

李密

字元邃隴西成紀人以陰為煬帝東宮千牛備身楊玄感反遣人迎密密為之籌策為隋

軍所獲乃夜亡去變姓名為劉智遠後歸東郡賊翟讓讓推為主建號魏公僭位於鞏南與唐

戰師潰歸高祖拜光祿卿封邢國公後復謀叛為盛彥師所誅

淮陽感秋劉仁軌河洛記曰密往來諸賊師間說以舉大計莫肯從者因作詩言志

金風颺初節玉露凋晚林  
此夕窮途士鬱陶傷寸心

眺聽良多感徙倚獨沾襟  
沾襟何所為悵然懷古意

秦俗猶未平漢道將何冀  
樊噲市井屠蕭何刀筆吏

一朝時運合萬古傳名諡  
寄言世上雄虛生真可愧

李巨仁

釣竿篇

潺湲面江海滉瀆矚波瀾不惜黃金餌唯憐翡翠竿  
斜綸控急水定楫下飛湍潭迴風來易川長霧歇難  
寄言朝市客滄浪余自安

丁六娘

十索四首

樂苑曰十索羽調曲也

裙裁孔雀羅紅綠相參對映以蛟龍錦分明奇可愛  
麤細君自知從郎索衣帶

其二

為性愛風光偏憎良夜促曼眼腕中嬌相看無厭足  
懽情不耐眠從郎索花燭

其三

君言花勝人人今去花近寄語落花風莫吹花落盡  
欲作勝花妝從郎索紅粉

其四

二八好容顏非意得相關逢桑欲採折尋枝倒懶攀  
欲呈纖纖手從郎索指環



采菽堂古詩選補遺 卷之三終

采菽堂古詩選補遺卷之四目次

仙詩

上元夫人

歌步元之曲

西王母

又命侍女田四妃答歌

馬明生

詩二首

葛仙公

詩三首

古詩選 補遺

清虛真人

歌二首

雲林右英夫人

九月十八日夜作 九月二十五日夜授作

十月十七日與許侯

十月二十日授 二月九日夜作

太虛真人

常吟詠

西城真人王君

常吟詠

李仙君

歌一首

無名氏

武陽山遺詠

古逸

古歌辭

虞帝歌

臯陶賡歌

臯陶又歌

塗山歌

夢歌

孤鷄歌

原壤歌

澤門之替歌

古詩選 卷之四目

二

齊民歌

齊臺歌

穗歌

齊役者歌

齊人歌

彈鋏歌三章

楚人歌

甘泉歌二見

漢歌辭

潁川歌

上郡歌

朱暉歌

通博南歌

陳臨歌

高孝甫歌

晉歌辭

崔左丞歌

束皙歌

應詹歌

豫州歌

郗王歌

桓元時小兒歌

麴游歌

關隴歌

苻堅時長安歌

附

齊歌辭

永明初歌

南州歌

差山歌

梁歌辭

北軍歌

鄱陽歌

瞿塘行人歌

陳歌辭

齊雲觀歌

北魏歌辭

李謚歌

古謠辭

殷末謠

魯童謠

秦人謠

漢謠辭

元帝時童謠

後漢時  
中童謠

周宣王時童謠

趙童謠

泗上謠

會稽童謠

同前

桓帝末京都童謠

二郡謠

獻帝初京都童謠

魏謠辭

軍中謠

吳謠辭

吳謠

時人謠

晉謠辭

太康後童謠三首

惠帝永熙中童謠

元康中童謠

懷帝永嘉初童謠二首

王彭祖謠

棗郎謠

愍帝初童謠

幼輿謠

明帝太寧初童謠

吳中童謠

哀帝隆和初童謠

太和末童謠

京口謠二首

元興初童謠二首

義熙初童謠

安帝義熙初謠二首

永嘉中長安謠

西土謠

洪水謠

苻生時長安謠二首

苻堅時長安謠

苻堅初童謠

苻堅時童謠

燕童謠

梁謠辭

梁童謠

鮑佐謠

北魏謠辭

曲堤謠二首

北齊謠辭

東魏鄴都謠

白鳧謠

武平末童謠

隋謠辭

大業中童謠

漢里語

楊伯起

嶺如屋

考城諺

袁文開

五門

晉里語

貂不足

王與馬

王僧珍

五樓

琴操

襄陵操

岐山操

拘幽操

文王操

克商操

伯姬引

逸詩

荀子

列子

莊子

呂氏春秋

漢書

古諺

史記六則

後漢書

古銘

鑑銘

楹銘

矛銘

書車

鏡銘

觴銘

采菽堂古詩選補遺

卷之四

虎林陳祚明亂倩父評選

仙詩

上元夫人

夫人道君弟子也亦玄古以來得道總統真籍亞於龜臺金母所降之處多使侍女相聞以為賓侶焉

歌步玄之曲

昔涉玄真道騰步登太霞負笈造天關借問太上家  
忽過紫微垣真人列如麻淥景清飈起雲蓋映朱葩  
蘭宮敞朱闕碧空起藝文作室啓璫沙丹臺結空構曄曄  
生光華飛鳳躡蹻峙燭龍倚委蛇玉胎來絳芝九色

紛相拏挹景練仙骸萬劫方童牙唯言壽有終扶桑  
不為查結句稍生通首語華調古

西王母

又命侍女田四妃答歌

晨登太霞宮挹泚把玉蘭夕入玄元闕采藥掇琅玕  
濯足匏瓜河織女立津盤吐納挹景雲味之當一餐  
紫微何濟濟璣輪服朱丹朝發汗漫府暮宿勾陳垣  
去去道不同且吝體所安二儀設猶存奚疑億萬椿  
莫與世人說行尸言此難

馬明生

詩二首

太和何久長人命將不永喻如朝露晞奄忽睡覺頃  
生生世所悞傷生由莫靜我將尋真人澄神挹容景  
盤桓崑陵宮玄都可馳騁涓子牽我遊太真來見省  
朝朝王母前夕歸鍾嶽嶺仰採瓊瑤葩俯漱琳琅井  
千齡猶一刻萬紀如電頃

其二

天地自有常人命最險毳年若驚苙發時猶輕矢逝  
雖有灼灼姿玉為塵土穢林草無秋輝綠葉豈終歲  
惜此繁茂摧哀彼寒霜厲有存理必亾有興故有廢



真官戲玄津與物無疑帶神冲紫霄內形棲山水際  
對虛忘有懷遊目託容喬風塵將何來真道故可大

質語  
矯健

葛仙公

諱玄字孝先自容人生而秀穎州郡辟為

八月十五日白日昇天弟子鄉朋攀戀不已於

是仙公駐駕空中賦詩三篇降付鄉朋普令歌

誦開悟  
方來

詩三首  
真人昔遺教愍念孤癡子嬖邪不信道禍亂由斯起  
身隨朝露晞悔恨何有已罪大不可掩流毒將誰理  
冥冥未出期劫盡方當止轉輪貧賤家仍復為役使

四體或不完蹙躄行乞市不知積罪報怨天神不恃  
大道常無為弘之由善始吾今獲輕舉修行立功爾  
三界盡稽首從容紫宮裏停駕虛元中人生若流水  
臨別屬素翰粗標靈妙紀

警切  
動人

其二

我今便昇天愍念諸儒英大道體虛無寂寂中有精  
視之若冥昧窈窕中昭明莫言道虛誕所患不至誠  
奚不登名山誦是洞真經一諷而一詠玄音徹太清  
太上輝金容衆仙齊應聲十方散香花燔煙梅檀馨  
皇娥奏九韶鸞鳳諧和鳴龍駕翳空迎華蓋曜杳冥

脩閑劫仞臺帝釋歛降庭八王奉丹液挹漱身騰輕  
 逍遙有無間流朗絕形名神童夾侍側自然朝萬靈  
 飄飄八景輿遊行白玉京七祖昇福堂先亾悉超生  
 王侯能篤信必為天下貞大人體至德一切蒙其成  
 淋 濟

其三

散誕遊山水吐納靈和津鍊氣同希夷靜詠道德篇  
 至心宗玄一冥感今乃宣飛駕御九龍飄飄乘紫煙  
 華景曜空衢紅雲擁帝前暫迂蓬萊宮倏忽已賓天  
 偉偉眾真會渺渺凌重玄體固無終劫金顏隨日鮮

歡樂太

亾一作

上境悲念一切頑

人一作

誰能離死壤結

是冥中緣悠悠成至道無有人無間微妙良難測智  
 者謂我賢若能弘眾妙輕舉昇神仙

殊有古調

清虛真人

歌二首

降南嶽魏夫人宅作

歛駕控清虛裴徊西華館瓊林既神杪虎旂逐烟散  
 慧風振丹旂明燭朗八煥解襟瓊房裏神鈴鳴禱祭  
 棲景若林柯

一作阿

九絃

一作氣

玄中彈遣我積世憂釋

此千年歎怡盼無極已於夜復待旦

其二

紫霞儂玄空神風無綱領歛然滿八區  
一作景 旣爾豁靈境  
 八牕無常朗有冥亦有炁洞觀三丹  
一作景 田寂寂生  
 形景凝神泥丸內紫房何蔚炳大帝命我來有以應  
 神挺相遇女弟子雲姿卓鑠整愧無郢石運益彼自  
 然穎勤密攝生道泄替結災皆靈期自有時攜袂陟

松嶺 森秀

雲林右英夫人

九月十八日夜作

三景秀鬱玄霄映朗八方丹雲浮高宸逍遙任靈風  
一作翻 鼓翼 一作乘素飈 竦矚瓊臺中綠蓋入協晨青輶擲

空同右揖東林帝上朝太虛皇玉賓剖鳳腦啖酣飛  
 藥漿雲鈞回曲寢千音何琅琅錦於召猛獸華旛正  
 低昂香母折腰唱紫煙排棟梁總轡高清闕解駕佳  
 人房昔運挺未兆靈化順氣翔心眇玄涯感年隨積  
 椿崇形垢甘臭味動靜失滄浪我友實不爾榮辱昨

已忘 結語 蘊藉

九月二十五日夜授作

絳景浮玄晨紫軒乘煙征仰超綠闕內俯眇朱火城  
 東霞啓廣暉神光煥七靈翳映汎三燭流任自齊冥  
 風纏空洞宇香音觸節生手攜織女儂併衿匏瓜庭

左徊青羽旗華蓋隨雲傾宴寢九度表是非不我營  
 抱真棲太寂金姿日愈嬰豈似愆穢中慘慘無聊生

香音觸節  
生大佳句

十月十七日與許侯

四旌曜明空朱軒飛靈丘玉蓋廕七景鼓翼霄上浮  
 九音朗紫空玉璫洞太無宴詠三晨宮唱嘯呼我儔  
 不覺椿已老豈知二景流佳人雖兼忘而未放百憂  
 長林真可靜巖中白多娛

兼忘之後尚云未放百  
憂知非入山竿能成道

十月二十日授

北登玄真闕攜手結高羅香煙散八景玄風鼓絳波

仰超琅園津俯眇霄陵阿玉簫雲上唱鳳鳴動九遐  
 乘氣浮太空曷為躡山河金節命羽靈徵兵折萬魔  
 齊挹三晨暉千春方嬰牙喪真投競室不解可奈何

喪真投競室語  
簡勁而可悲

二月九日夜作

轡景登霄晨遊宴滄浪宮綵雲繞丹霞靈藹散八空  
 上真吟瓊室高仙歌琳房九鳳唱朱籟虛節錯羽鐘  
 交棲金庭內結我冥中朋俱挹玉醴津倏忽已嬰童  
 云何當路蹲愆痾隨日崇

蹲字隨日  
字俱生動

太虛真人

常吟詠

觀神載形時亦如車從馬車敗馬奔凶牽連一時假  
哀世但識此但是惜風火種罪天網上受毒地獄下  
西城真人王君

常吟詠

形為渡神舟泊岸當別去形非神常宅神非形常載  
衰徊生死輪但苦心猶豫

李仙君

歌一首

蜀華蓋山李桓仙君授道桓凱真人仙  
君一日謂凱曰金丹大藥子得之矣飛  
步隱身諸訣汝皆洞曉  
但未聞大道耳遂歌曰

金鼎天門開反童復嬰孩日月照崑崙真君自然來  
三年結黃雲千日成聖胎九年登金闕一紀昇三台  
龍虎自然交上帝安金臺眾神仰天表忻慕心徘徊  
子今受靈文專心如死灰積功十二年功畢登雲梯  
白光生圓象紫氣冲雲霓端虛念太乙浩劫天地齊

無名氏

武陽山遺詠

峨山縣東北有武陽龍尾山並仙  
者羽化之處於其處得遺詠雖神  
棲白雲屬想芳流籍念泉鄉遺詠在茲覽其  
餘誦依然息遠匪直邈想霞蹤愛其文詠可  
念故端續抽札以  
詮其詠其畧曰

登武陽觀樂數峨嶺千蕤洋湖口命非螭駕白駒臨

天水心踟躕千載後不知如出水經註

古逸

古歌辭

虞帝歌

股肱喜哉元首起哉百工熙哉

皐陶賡歌賡即古文續見說文

元首明哉股肱良哉庶事康哉

皐陶又歌史記作舜又歌

元首叢脞哉股肱惰哉萬事墮哉

塗山歌禹年三十未娶行塗山恐時之暮失其度制乃辭云吾娶也必有應矣乃有白

狐九尾造於禹禹曰白者吾之服也九尾者王之證也於是塗山之人歌之禹因娶塗山

謂之

綏綏白狐九尾麗麗我家嘉夷來賓為王成子室家

我都攸昌一作成家成天人之際於茲則行叶明

矣哉

夢歌

一作瓊瑰歌○聲伯夢涉洹或與已瓊瑰食之泣而為瓊瑰盈其懷從而歌之云云云懼不敢占也還自鄭至於狸脈而占之日余恐死故不敢占今眾繁而從余三年矣無傷也言之之暮而卒

濟洹之水贈我以瓊瑰歸乎歸乎瓊瑰盈吾懷叶乎

孤鷄歌

孔子遊於隅山見取薪而哭長梓上有孤鷄乃承而歌之

馳彼鳴鶴在巖山之唵

叶其淹反

原壤歌

孔子之故人口原壤其母死夫子助之沐柳原壤登木曰久矣予之不託於音

也歌云云夫子為弗聞也而過之

狸首之斑

叶卑連反

然執女手之卷然

狸首之斑言木文之華也卷與拳同

如執女手言沐柳之滑膩也

澤門之皙謳

一作築者歌○左傳宋皇國父為太宰為平公築臺於門妨於農收

子罕請俟農功之畢公弗許築者謳曰

澤門之皙實與我役邑中之黔實慰我心

澤門宋東城南門也

皇國父白皙而居近此子罕黑色而居邑中○宜若皙可悅而黔可憎者今反不然故謳之小謳亦作致

齊民歌

齊桓公飲酒醉遺其冠脫之管仲曰公不雪之以政公曰善因發倉賜貧窮三

日而民歌之

公胡不復遺其冠乎

齊臺歌

景公起大臺之役歲寒不已國人望晏子晏子見公迺坐飲酒樂晏子曰君若

賜臣臣請歌之歌曰庶民之言云云歌終唱然流涕公止之曰子殆為大臺之役夫寡人

將速罷之

凍水洗我若之何太上糜散

古轉入銑

我若之何

廣文選載此詩

日庶民之餒我若之何奉上糜弊我若之何

穗歌

景公為長康廩舍也將欲美之有風雨作公與晏子入坐飲酒致堂上之樂酒酣晏

子作歌云云歌終顧而流涕張躬而舞公遂廢酒罷役不果成長康

穗乎不得穫秋風至今殫零落風雨之弗殺

叶所反也

太上之靡弊也

齊役者歌

景公築長來之臺晏子侍坐鵬三行晏子起舞云云舞三而涕下沾襟景

公慙焉為之罷長來之役

歲已莫矣而禾不穫

叶胡化反

忽忽矣若之何歲已寒矣

而役不能憊憊矣如之何

齊人歌

魯哀公二十一年公與齊侯邾子盟於顧齊人責稽首因歌之○責十七年齊

侯為魯公稽首不見答

魯人之阜

叶居號反

數年不覺

去聲

使我高蹈唯其儒書以

為二國憂

叶衣虛反○阜緩也高蹈猶遠行也言魯人阜緩數年不知答齊稽首使我高蹈來

為此會二國齊邾也言魯據周禮不肯答稽首令齊邾遠至

彈鋏歌三章

一作長鋏歌○馮驩見孟嘗君居傳舍十日孟嘗君問傳舍長曰客

何所為答曰馮先生甚貧惟有一劍耳又刺緜彈其劍而歌云孟嘗君遷之幸舍食有魚矣五日又問傳舍長答曰客復彈劍而歌云孟嘗君遷之代舍五日孟嘗君復問傳舍長答曰先生又嘗彈鋏而歌云于是孟嘗君不悅○蒯苦怪反茅之類可為繩言其劍把無物可裝以小繩纏之也緜音侯謂把劍之處也

長鋏歸來乎食無魚

其二

長鋏歸來乎出無車

其三

長鋏歸來乎無以為家

叶政乎反



楚人歌

楚莊王築層臺延石千里延壤百里大臣諫者七十二人皆死矣有諸御已者遠楚百里而耕謂其耦曰吾將入諫王委其耕而入見莊王遂解層臺而罷民楚人歌之

薪乎菜

叶此禮反

乎無諸御已訖無子乎菜乎薪乎無諸

御已訖無人乎

甘泉歌

二見○始皇作驪山陵周迴跨陰盤縣界水背陵鄣使東西流運大石於渭北渚民怨之作甘泉之歌

運石甘泉口渭水不敢流千人唱萬人謳金陵餘石

大如樞

又

運石甘泉口渭水為不流千人一唱萬人一鈎金陵

下餘石大如篋土屋

見關中記

漢歌辭

潁川歌

灌夫不好文學喜任俠交通豪傑大潁家累數千萬食客日數千百人陂池田園宗族賓客為權利橫潁川潁川兒歌之

潁水清灌氏寧潁水濁灌氏族

上郡歌

成帝時馮野王為上郡太守其後弟立亦自五原太守徙西河上郡立居職公廉治行畧與野王相似吏民嘉美野王立相代為太守歌之曰

大馮君小馮君兄弟繼踵相因循聰明賢知惠吏民

政如魯衛德化鈞周公康叔猶二君

朱暉歌

暉字文季建武中再遷臨淮太守吏人畏愛為之歌曰

疆直自遂南陽朱季吏畏其威民懷其惠

通博南歌

一作行者歌○永平十二年哀牢王柳貌遣子率種人內屬顯宗以其地

置哀牢博南二縣始通博南山度蘭倉水行者苦之作歌

漢德廣開不賓度博南越蘭津度蘭倉

漢書註作滄

為他

人以風

陳臨歌

臨字子然為蒼梧太守人遺腹子報父怨捕得繫獄傷其無子令其妻入獄遂

產得男人歌曰

蒼梧陳君恩廣大令死罪囚有後代德參古賢天報

施

高孝甫歌

高慎字孝甫敦實少華默而好沉深之謀為從事人謂之曰

嶷然不動名高孝甫

嶷然字生動

晉歌辭

崔左丞歌

崔洪字伯良博陵安平人以清厲顯名武帝世為御史治書朝廷憚之尋

為尚書左丞時人為之語曰

叢生棘刺來自博陵在南為鷁在北為鷹

束皙歌

皙陽平元城人太康中郡界大旱皙為邑人請雨三日而雨注眾為皙作歌

束先生通神明請天三日甘雨零我黍以育我稷以

生何以疇之報束長生

應詹歌

王澄惠帝末為荊州牧假應詹督南平天門武陵三郡軍事天下大亂詹境獨

全百姓歌之

亂離既普殆為灰朽僥倖之運賴茲應后歲寒不凋

孤境獨守拯我塗炭惠隆丘阜潤同江海恩猶父母

豫州歌

祖逖元帝時為豫州刺史躬自儉約督課農桑克已務施不畜資產子弟耕耘負擔樵薪又收葬枯骨為之祭醊百姓感悅嘗置酒大會耆老中坐流涕曰吾等老矣更得父母死將何恨乃歌曰

幸哉遺黎免俘虜三辰既朗遇慈父立酒忘勞甘瓠

脯何以詠思歌且舞

郗王歌

郗超王珣並以俊才為桓大司馬所眷珣為主簿超為記室參軍超為人多鬚珣形狀短小時人為之歌曰

髯參軍短主簿能令公喜能令公怒

桓立時小兒歌

立篡位後朱雀門中忽見兩小兒通身如墨相和作籠歌云云路邊小兒從而和之者數十人聲甚哀楚日既夕二小兒入建康縣至閣下遂成雙漆鼓槌明年春而桓敗車無軸倚孤木桓字也荆州送桓首用敗籠茵包之又送繩束縛其屍沉諸江中悉如所歌焉

芭籠茵繩縛腹車無軸倚孤木

麴游歌

麴允金城人也與游氏世為豪族西州為之語曰

麴與游牛羊不數頭南開朱門北望青樓

關隴歌

拾遺作符秦時童謠○符堅時關隴清晏百姓豐樂自長安至於諸州皆夾路樹槐柳二十里一亭四十里一驛旅行者取給於途工商賈販於道百姓歌之

長安大街夾樹楊槐下走朱輪上有鸞棲英彥雲集

誨我萌黎

苻堅時長安歌

堅既滅燕慕容冲姊偽清河公主年十四有殊色堅納之寵冠

後庭冲年十二亦有龍陽之姿堅又幸之姊弟專寵宮人莫進長安歌之威懼為亂王猛切諫堅乃出冲後竟為冲所敗

一雌復一雄雙飛入紫宮

齊歌辭

永明初歌

永明初百姓歌後句問云陶郎來白者金色馬者兵事三年妖賊唐寓之

起言唐來勞也

白馬向城啼欲得城邊草

南州歌

江革為潯陽太守清嚴為屬城所憚正直自居不與典籤趙道智坐道智還都

故人不道智新人佞散騎莫知度不度新人不如故

啓事誣奏革墮事好酒以郗瑒王曇聰代為行事南州士庶為之語曰

差山歌

沈麟士隱居餘干吳差山講經教授從學士數十百人各營屋宇依止其側時

人為之語曰

差山中有賢士開門教授居成市

梁歌辭

北軍歌

梁臨川靜惠王宏為揚州刺史天監中武帝詔都督諸軍侵魏宏以帝之介弟

所領皆器甲精新軍容甚盛北人以為百數十年所未之有軍次洛口前軍克梁城諸將欲乘勝深入宏聞魏援近畏懦不敢進召諸將欲議旋師呂僧珍曰知難而退不亦善乎柳玘等不從宏不敢違羣議停軍不進魏人知其不武遺以巾幘北軍乃歌之韋武叡也

不畏蕭娘與呂姥但畏合肥有韋武

鄱陽歌

郡人有彭李二家先用忿爭遂相誣告內史陸襄引入內室不加責詰但和言解諭二人感恩深自咎悔乃設酒食令其盡歡酒罷同載而還因相親厚人歌之襄吳人

陸君政無怨家鬪既罷讎共車

瞿塘行人歌

庾子輿新野人有孝性丁母憂哀至輒嘔血父卒於蜀子輿哀痛將絕奉喪還鄉秋水猶壯巴東有淫預石高出二十許丈及秋至則纔如見次有瞿塘大難行旅忌之部伍至此石猶不見子輿撫心長叫其夜五更水忽退滅安流南下及渡水復舊行人爲之語曰

淫預如幘本不通瞿塘水退爲庾公

陳歌辭

齊雲觀歌

陳後主造齊雲觀國人歌之功畢而爲隋師所滅

齊雲觀寇來無際畔

北魏歌辭

李謐歌

謐少好學周覽百氏初師事小學博士孔璠後璠還就謐請業同門生爲之歌

青成藍藍謝青師何常在明經

古謠辭

殷末謠

帝惑姐已玉馬走

叶養里反

周宣王時童謠

史記作童女謠○夏后氏之衰也有一龍止於帝庭而言曰予褒之二君夏帝卜藏其禋歷夏殷莫敢發至厲王之末發而觀之禋化爲龜以入後宮童

女遭之而孕生女懼而棄之宣王時童女謠云云適有夫婦賣是器者宣王使執之逃於道見鄉者所棄妖子哀而收之葬於褒褒人有罪請入棄女於王以贖是為褒姒幽王嬖之

檠弧箕服叶實亾周國山桑曰檠弧弓也箕木名服矢房也

魯童謠齊有一足之鳥飛集於公朝止於殿前舒翅而跳齊侯怪之使使聘魯問於孔子子曰此鳥名商羊水祥也昔童兒屈脚振肩而跳且謠云云今齊有之其應至矣急告民趨治溝渠修隄防將有大水為災頃之大霖雨水溢泛諸國傷害民人唯齊有備不敗

天將大雨商羊鼓舞

趙童謠趙王遷五年代地大動六年大饑民謠言云云七年秦人攻趙趙大將李牧將軍司馬尚將擊之李牧誅司馬尚免趙忽及齊將顏聚代之忽軍破顏聚亾去以王遷降

趙為號秦為笑平聲以為不信視地上一作生毛

秦人謠見張衡西京賦註○穆公夢之天帝所奏鈞天樂賜以金策祚世之業時有謠

天帝醉秦暴金誤隕石墜

泗上謠周顯王四十二年九鼎淪沒泗淵秦始皇時見於泗水始皇大喜使數千人入

水系而行未出龍齒嚙斷其系故泗上為之謠

稱樂太早絕鼎系

漢謠辭

元帝時童謠元帝時童謠至成帝建始二年三月戊子北宮中井泉稍上益出南

流井水陰也竈煙陽也王堂金門至尊之居象陰盛而滅陽竊有宮室之應也王莽生於

元帝初元四年至成帝封侯為三公輔政因以篡位也

井水溢滅竈煙灌玉堂流金門

後漢時蜀中童謠

世祖時建武六年蜀中童謠是時公孫述僭號於蜀時人

竊言王莽稱黃述欲繼之故稱白五銖漢家貨明當復也述遂誅滅

黃牛白腹五銖當復

會稽童謠

張霸永元中為會稽太守時賊未解郡界不寧乃移書開購明用信賞賊

遂束手歸附不煩士卒之力童謠歌曰

棄我戟捐我矛盜賊盡吏皆休

同前

霸舉賢士勸教講授一郡慕化但聞誦聲又野無遺寇民語曰

城中烏鳴哺父母府中諸吏皆孝友

桓帝末京都童謠

按解犢亭屬饒陽河間縣也居無幾何而桓帝崩使耆與

解犢侯皆白蓋車從河間來延延象貌也是時御史劉儵建議立靈帝以儵為侍中中常侍侯覽畏其親近必當間已白拜儵太山太守因令司隸迫促殺之朝廷少長思其功效乃拔用其弟郃致位司徒此為合諧也

白蓋小車何延延河間來合諧河間來合諧

二郡謠

汝南太守宗資任功曹范滂南陽太守成瑨亦委功曹岑暉滂字孟博暉字公

孝二郡為謠

汝南太守范孟博南陽宗資主畫諾南陽太守岑公

孝弘農成瑨但坐嘯

獻帝初京都童謠

按千里草為董十日卜為卓凡別字之體皆從上起左右

離合無有從下發端者也今二字如此者天意若曰卓自下孽上以臣陵君也青青暴盛

之貌不得生者亦旋破也

千里草何青青十日不得生

魏謠辭

軍中謠

太祖使盧洪趙達撫軍主刺舉軍中語曰

不畏曹公但畏盧洪曹公尚可趙達殺我

吳謠辭

吳謠

周瑜少精意於音樂唯三爵之後其有闕誤瑜必知之知之必頌故時人謠云

曲有誤周郎顧

時人謠

孫權已制江左而佛教未行有支謙者本月初支人來遊漢境博覽經籍莫不精究遍學異書通六國語其為人細長黑瘦眼多白而睛黃時人為之語曰

支郎眼中黃形軀雖細是智囊

晉謠辭

太康後童謠三首

武帝太康後江南童謠時吳人謂在孫氏子孫故相繼竊發為亂按橫目者四字自吳亾至元帝興幾四十年皆如謠言元帝孺而少斷局縮肉直斥之也

局縮肉數橫目中國當敗吳當復

宮門柱且莫朽吳當復在三十年後

雞鳴不拊翼吳復不用力

惠帝永熙中童謠

時楊駿專權楚王用事故云荆筆楊版二人不誅則君臣

禮梓故云幾作驢也



二月末三月初荆筆楊版行詔書宮中大人一作馬幾作驢

元康中童謠時天下商農通著大郭日故童謠云云及趙王倫篡位其目實眇焉

屠蘇障日覆兩耳當見弱兒作天子

永嘉初童謠司馬越還洛時謠也越既與苟晞構怨尋詔越為丞相領兖州牧督

兖豫司冀幽并六州越辭丞相不受自許遷郵城移屯濮陽又遷于滎陽後自滎陽還洛

洛中大鼠長尺二若不早去天宋書狗至

同前苟晞將破汲桑時有此謠司馬越由是惡晞奪其兖州陳難遂構焉越字元超懷帝

永嘉初出鎮許昌自許昌率苟晞及冀州刺史丁邵討汲桑破之越還許昌史潘滔說之

曰兖州天下樞要公宜自牧乃轉苟晞為青州刺史由是與晞有隙

元超兄弟大洛度上桑打棋為苟作

王彭祖謠王浚永嘉中進大司馬加侍中大都督督幽冀諸軍事會京洛傾覆浚大

樹威令專權橫恣時童謠曰

幽州城門似藏戶中有伏尸王彭祖有狐踞府門翟

雉入聽事

棗郎謠見王浚傳

十囊五囊入棗郎棗嵩浚之子婿也浚聞責嵩而不能罪之也

愍帝初童謠建興四年帝降劉曜在城東豆田壁中

天子在何許近在豆田中

幼輿謠謝鯤王澄之徒慕竹林諸人散首披髮裸袒箕踞謂之八達故鄰家女折其兩

齒世為  
謠曰

任達不已幼輿折齒

明帝太寧初童謠

明帝崩後成帝幼為蘇峻所逼遷于石頭御膳不足此大

馬死小馬餓也高山峻也言峻尋死石峻弟蘇石也峻死後石據石頭尋為諸公所破是

亦山崩石破之應也

惻惻力力

一作惻力

放馬山側大馬死小馬餓高山崩

石自破

吳中童謠

庾義在吳郡時吳中童謠無幾而庾義入按晉史穆帝時庾義為吳興內

史王洽為吳郡內史徵拜領軍後皆卒於官義疑即義也

寧食下湖苻不食湖上尊庾吳沒命喪復殺王領軍

哀帝隆和初童謠

時有此謠朝廷聞而惡之改年曰興寧民復歌曰雖復改

興寧亦復無聊生哀帝尋崩升平五年而穆帝崩不滿斗不至十年也

升平不滿斗隆和那得久桓公入石頭陛下徒跣走

太和末童謠

海西公被廢百姓耕其門以種小麥

犁牛耕御路白門種小麥

京口謠二首

王恭在京口民間忽有此謠按黃字上恭字頭也小字恭字下也尋

如謠言

黃頭小人

晉書作兒

欲作賊阿公在城下指縛得

黃頭小人欲作亂賴得金刀作蕃杆

元興初童謠二首

桓玄既篡有此謠及桓敗走至江陵五月中誅如其期焉

按帝紀桓墓位在元興二年十二月也

草生及馬腹鳥啄桓立目

征鍾落地桓逃走征鍾至穢之服桓四體之下稱玄

之咏民口也而云落地墜地之祥遊走之言其驗明矣

義熙初童謠

安帝時官養盧龍寵以金紫奉以名州養之已極而龍不能懷我好音舉兵內伐遂成讎敵也及敗斬伐共黨如草木之成積焉盧循小字元龍

官家養蘆化成荻蘆生不止自成積

安帝義熙初謠二首

盧循據有廣州民間有謠云云後擁上流數州之地內逼京輦應天半之言時復有謠云云循後果敗不得入石頭

蘆生漫漫竟天半

蘆橙橙逐水流東風忽如起那得入石頭

永嘉中長安謠

張實軌之子也軌卒授實涼州刺史進大都督劉曜逼遷天子實遣太府司馬韓璞東赴國難璞次南安諸羌斷軍路實擊破之斬級數千時焦崧陳安寇隴右東與劉曜相持雍秦之人死者十人九初永嘉中長安語云至是驗矣

秦川中血沒腕

西土謠

張茂實之弟太興三年實既遇害州人推茂平西將軍涼州牧涼州大姓賈摹實之妻弟也勢傾西土先是謠云云茂以為信誘而殺之於是豪右屏迹威行涼域

手莫頭圖涼州

洪水謠

以下附○亦見崔鴻前秦錄○苻洪字廣世畧陽臨渭氏人也先是隴右大雨百姓苦之謠云云故因名洪自稱大單于三秦王偽謚惠武帝

雨若不止洪水必起

苻生時長安謠二首

苻生洪之孫嗣父健位曆稱帝初生夢大魚食蒲又

長安謠云云東海苻生不知是堅以謠言之故誅第在洛門之東生不知是堅以謠言之故誅其侍中魚遵及其子孫時又謠云云於是悉壞空城以禳之

東海大魚化為龍男便為王女為公問在何所洛門

東

其二

百里望空城鬱鬱何青青瞎兒不知法仰不見天星

生關一月

苻堅時長安謠

秦之未亂也長安謠云云秦人呼鮮卑為白虜慕容垂之起於

關東歲在癸未

長鞞馬鞭擊左股太歲南行當復虜

苻堅初童謠

初有此謠及堅敗於淝水為姚萇所殺在偽位凡三十年

阿堅連牽三十年後若欲敗時當在江湖邊

一作江湖問

苻堅時童謠

堅疆盛之時有謠云云堅聞而惡之每征伐戒軍候云地有名新城者避之後因壽陽之敗其

國大亂竟死於新城佛寺

河冰清復

一作清苻詔死新城秦人稱其

燕童謠

慕容熙暴虐其將馮跋張興皆坐事奔入結盟推慕容雲為主因熙出城閉門

距守熙夜至龍城攻北門不克為雲所執弑之時義熙二年也初謠云云藁字上有草下有禾兩頭然則禾草俱盡而成高字雲父名拔小字秃頭三子而雲季也熙竟為雲所滅

一束藁兩頭然禿頭小兒來滅燕

梁謠辭

梁童謠

臨賀王正德與侯景同逆其後梁室傾覆既由正德百姓至聞臨賀郡名亦不欲道童謠云云其惡之如此

寧逢五虎入市不欲見臨賀父子

鮑佐謠

鮑正為湘東王五佐好交遊無日不適人人為之語曰

無處不逢烏噪無處不逢鮑佐

北魏謠辭

曲堤謠二首

後魏宋世良孝莊時為清河太守才識開明尤善政術郡東南有曲堤成公一姓阻而居之羣盜多萃於此人謠云云世良施八條之制盜奔他境又謠云云

寧度東吳會稽不歷成公曲堤

曲堤雖險賊何益但有宋公自屏跡二首自

北齊謠辭

東魏鄴都謠

魏孝靜帝始移都于鄴時有童謠按孝靜帝清河王子也后則齊神武之女鄴都宮室未備即逢禪代作窠未成之效也孝靜尋崩文宣以后為太原長公主降於楊愔時神武妻后尚在故

言寄書於婦母新婦子斥后也

可憐青雀子飛入鄴城裏作窠猶未成舉頭失鄉里

寄言與婦母好看新婦子

白鳥謠

初孝昭之誅楊愔也謂武成云事成以汝為皇太弟及踐位乃使武成在鄴主兵立子百年為皇太子武成不平欲有異謀先是童謠云云時丞相府在鄴城中即舊中

補遺  
典寺也。鳧翁謂雄雞蓋指武成小字步落稽也。道人濟南王小名也。打鐘言將被擊也。後武成用卜者言不舉兵。孝昭尋崩武帝即位。

中興寺內白鳧翁四方側聽聲雍雍道人聞之夜打鐘

武平末童謠

時穆后母子淫辟干預朝政時人患之穆后小字黃花尋逢齊亡欲落之應也

黃花勢欲落清尊但滿酌

隋謠辭

大業中童謠

楊帝時有此謠其後李密坐楊元感之逆為吏所拘在路逃叛潛結羣盜自陽城山而來襲破洛口倉後復屯兵苑內莫浪語密也。字文化及自號許國尋亦

破滅誰道許者蓋驚疑之辭也

桃李子鴻鵠遠陽山宛轉花林裏莫浪語誰道許

漢里語

楊伯起

楊震少學受歐陽尚書於太常桓郁經明博覽無不窮究諸儒為之語曰

關西孔子楊伯起

憤如屋

古憤無中王莽頭禿乃始施巾故語曰

莽頭禿憤如屋

考城諺

仇覽字季智一名香陳畱考城人為蒲亭長初到亭有陳元之母詣覽告元不孝覽以善言勸慰之母聞感悔涕泣而去覽乃親到元家與其母子飲因為陳人倫孝行譬以福福元卒成孝子鄉邑為之諺曰

卷之四

四

父母何在在我庭化我鳴臬哺所生

袁文開 袁紹父成字文開貴盛自梁冀以下皆與交言無不從京師諺曰

事不諧詣文開

五門 五門子孫凡氏之五門今在河南西四十里澗穀洛三水之交傳聞馬氏兄弟五人

共居此地作五門客舍因以為名主養猪賣豚故民為之語曰

苑中三公館下二卿五門嚶嚶但聞豚聲

晉里語

貂不足 趙王倫僭位諸黨皆登卿相並列大封其餘同謀者咸超階越序不可勝紀至於奴卒厮役亦加爵位每

朝會貂蟬盈座時人諺曰

貂不足狗尾續

王與馬 元帝以王敦為揚州刺史加廣武將軍尋進左將軍都督征討諸軍事假節帝

初鎮江東威名未著敦與從弟導同心翼戴以隆中興時人為之語曰

王與馬共天下

王僧珍 王珉字季琰少有才藝善行書與兄珣並有名聲出珣右故時人為之語曰

法護非不佳僧珍難為兄 僧珍珉小字也

五樓 慕容越時公孫五樓為侍中尚書專總朝政王公內外無不憚之尚書都令史王儼

諂事五樓遷尚書郎出為濟南太守入為尚書左丞時人為之語曰

欲得侯事五樓

琴操

襄陵操 一日禹上會稽○禹治洪水上會稽山顧而作此歌

鳴呼洪水滔天下民愁悲上帝愈吝三過吾門不入  
父子道衰嗟嗟不欲煩下民古音

岐山操

周太王之所作也太王避狄去邠踰梁山而邑乎岐山喟然太息援琴而鼓之

狄戎侵兮土地遷移邦邑適於岐山烝民不憂兮誰  
者知嗟嗟奈何兮予命遭斯

拘幽操

拘美里者謂紂拘文王於美里也

殷道溷溷浸濁煩

叶分沿反

兮朱紫相合不別分

叶膚眠反兮

迷亂聲色信讒言兮炎炎之虐使我愆兮

一作閭閻之虎使我

塞兮虎蓋謂崇侯也

幽閉牢竄由其言兮邁我四人憂勤勤

音

度兮

四人謂太顛閎夭散宜生南宮适求美女寶玉白馬朱鼠以獻於紂紂立出西伯○兩山墨談

曰此操見通鑑外紀詳其辭意怨誹淺激非文王語也

文王操

玉海作文王鳳凰歌○紂無道諸侯皆歸文王有鳳凰銜書於郊文王作此歌

翼翼翱翔

一作翺

彼鳳凰兮銜書來遊以會

一作命昌兮

瞻天案圖殷將亾兮蒼蒼之天始有萌兮五神連精

合謀房兮

一作精連神合謀于房兮

興我之業望來羊兮

克商操

一日武王伐紂○克商操武王伐紂時作

上告皇天兮可以行

古叶先韻乎

諸操不欲沒其名故補存焉

伯姬引

伯姬魯女也為宋共公夫人公薨伯姬執節守貞魯襄公三十年宋宮災伯姬

在焉有司請曰火將至矣伯姬曰吾聞婦人夜出不見傳母不下堂逮乎火而死其保母自

傷行遲悼伯姬之遇災接琴而歌



嘉名潔兮行彌彰託節鼓兮令躬喪歎欽何辜遇斯殃嗟嗟奈何罹斯殃

逸詩

荀子

國有大命不可以告人妨其躬身

列子

良弓之子必先為箕

叶渠尤反

良冶之子必先為裘

箕矢房也

注曰學者先攻其所易然後能成其所難

莊子

青青之麥生陵之陂生不布施死何含珠為

莊子曰儒以詩

禮發家一作冢大儒臚傳曰東方作矣事之何若小儒曰夫解裙襦口中珠詩固有之云云接其鬢壓其頤儒以金椎控其頤徐別其無傷口中珠司馬註云此逸詩刺死人也

呂氏春秋

將欲毀之必重累之將欲踣之必高舉之

漢書

九變復貫知言之選

變一作辨

古諺

史記六則

千羊之皮不如一狐之腋

灼反

千人之舌若不如一

士之諤諤

商鞅傳趙良謂商君云云

積羽沉舟羣輕折軸眾口鑠金積毀銷骨

力則任鄙智則樗里

千金之子不垂堂百金之子不騎衛

變古亂常不死則亾

雖有親父安知不為虎雖有親兄叶虛王反安知不為狼

後漢書

幾事不密禍倚人壁

古銘

鑑銘

見爾前慮爾後

楹銘

毋曰胡殘其旤將然毋曰胡害叶暇其旤將大叶特

毋曰胡傷其旤將長殘害也

矛銘

造矛造矛少間弗忍終身之羞余一人所聞以戒後

世子孫

書車

自致者急載人者緩取欲無度自致而反

鏡銘

以鏡自照見形容以人自照見吉凶

觴銘

樂極則悲沉湎致非社稷為危

采菽堂古詩選補遺 卷之四終

冰雲淡河漢跡雨漏梧桐  
鷄聲茅店月人跡  
板橋霜林何暖酒燒紅  
柔石上題詩掃杯苔  
孤舟蓑笠翁釣寒江雪  
初到水窮處坐看雲起時  
坐看垂釣者徒有羨魚情

